



**O'ZBEKISTON RESPUBLIKASI SOG'LIQNI SAQLASH VAZIRINING
BUYRUG'I**

20 23 yil " 26, июль

№ 179

Toshkent sh.

**2023/2024 ўқув йилида клиник
ординатура (резидентура)га қабул қилиш тұғрисида**

Ўзбекистон Республикаси Президентининг 2022 йил 15 июндаги «Давлат олий таълим муассасаларига ўқишига қабул қилиш жараёнларини ташкил этиш тұғрисида»ги ПҚ-279-сон қарорига, Ўзбекистон Республикаси Президентининг 15 июнь 2023 йил йилдаги “2023/2024 ўқув йили учун давлат олий таълим муассасаларига ўқишига қабул қилишнинг давлат буюртмаси параметрлари тұғрисида”ги Ф-31-сон фармойиши, Ўзбекистон Республикаси Президентининг 2022 йил 30 августдаги “Ўзбекистон Республикаси Президентининг тадбиркорлар билан 2022 йилдаги “очиқ мuloқоти”да белгиланған вазифаларни амалга ошириш чора-тадбирлари тұғрисида” ПҚ-364 қарори билан тасдиқланған “Йұл харита”нинг 40-бандидаги “Клиник ординатурада мутахассис тайёрлаш тизимини такомиллаштириш” бүйіча белгиланған вазифаларга мувофиқ хамда тиббиётнинг долзарб йұналишлари бүйіча Қорақалпоғистон Республикаси, Тошкент шаҳар ва вилоятларда тиббиёт кадрларига бұлған әхтиёж ва талабни эътиборга олиб, буюраман

1. Күйидагилар:

Клиник ординатура (резидентура) орқали тиббиёт кадрларни 2023/2024 ўқув йилида тайёрлаш бүйіча мутахассисларды ва уларға мувофиқ келувчи бакалавриат таълим йұналишлари рўйхати 1-иловага мувофиқ;

2023/2024 ўқув йилида тиббиёт олий таълим ва илмий муассасалари ва вилоятлар бүйіча клиник ординатура (резидентура) мутахассисларыда ўқитиши учун ўринлар сони 2-иловага мувофиқ;

2023/2024 ўқув йилида тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилған илмий-амалий тиббиёт марказлари, илмий-тадқиқот институтлари кесимида клиник ординатура (резидентура)га умумий ва мақсадлы қабул режаси 3-иловага мувофиқ;

Тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтларида 2023/2024 ўкув йилида клиник ординатура (резидентура) қабули **тест синовларини ташкил этиш жадвали 4-иловага мувофик**;

2023/2024 ўкув йилида клиник ординатура (резидентура)га қабул бўйича **масъул котиблар рўйхати 5-иловага мувофик**;

Тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари клиник ординатор (резидент)ларини «Ўзбекистонни ривожлантириш стратегияси, Фуқаролик жамияти» фанини ўқитиш учун Тиббиёт ходимларининг касбий малакасини ривожлантириш маркази ва **тиббиёт олий таълим муассасаларига биринчириш жадвали 6-иловага мувофик**;

2023/2024 ўкув йилида клиник ординатура (резидентура)га қабул қилиш тўғрисидаги **хисобот шакллари 7-иловага мувофиқ тасдиқлансин**.

2. Белгилансинки:

2023/2024 ўкув йили қабулида:

клиник ординатура мутахассисликларига ўқишга қабул қилиш икки босқичда амалга оширилади. Бунда, тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари томонидан танланган мутахассисликка мос равишда тегишли бакалавриат таълим йўналишлари фанлари негизида кириш синов имтиҳонлари амалга оширилади, бунда фанлар бўйича **кириш имтиҳонлари оғзаки ва тест синовлари шаклларида ўтказилади**;

клиник ординатура мутахассислигига мос равишда тегишли бакалавриат таълим йўналишлари бўйича имтиҳонлар натижалари синовлар ўтказилганидан кейин уч кун муддатда таълим муассасаси томонидан идоралараро электрон ахборот алмашинув тизими орқали Соғлиқни сақлаш вазирлигига тақдим этилади ҳамда мазкур муассасанинг расмий веб-сайтида эълон қилинади.

2023/2024 ўкув йили **Болалар миллий тиббиёт марказида** қуйидагилар амалга оширилсин:

«Болалар кардиохирургияси» мутахассислиги бўйича клиник ординатура (резидентура) ташкил этилсин;

етук маҳаллий ва халқаро тажрибага асосланган мутахассислик бўйича ўкув дастур тузилсин;

«Болалар кардиохирургияси» мутахассислиги бўйича клиник ординатура (резидентура)га «Болалар хиургия» магистратураси ёки «Болалар хиургия» клиник ординатура (резидентура)си мутахассисликлари битирувчилари хужжат топширишга рухсат этилсин ва умумий танлов асосида қабул қилиниши таъминлансан;

амалиётга йўналтирилган ўқиш жараёни юкори савияда ташкиллаштирилсан;

ўқиш муддати – 3 йил этиб белгилансин.

3. 2023/2024 ўкув йили Россия Федерацияси Соғлиқни сақлаш вазирлиги **Н.И. Пирогов номидаги Россия миллий тадқикот тиббиёт университетида** Ўзбекистон Республикасининг 35 нафар фуқароси таълим оладиган олий таълимнинг ўкув дастурлари — ординатура дастурлари **рўйхати** 8-иловага мувофиқ тасдиқлансан;

2023/2024 ўкув йили Россия Федерацияси Соғлиқни сақлаш вазирлиги Н.И. Пирогов номидаги Россия миллий тадқикот тиббиёт университетининг (кейинги ўринларда - РМТТУ) ординатура мутахассисликларига Ўзбекистон Республикаси фуқароларини ўқишга қабул жараёни тартиби 9-иловага мувофиқ тасдиқлансан;

Ўзбекистон Республикаси фуқаролари учун қабул параметрлари сони клиник ординатура мутахассисликлари кесимида 2023/2024 ўкув йили учун РМТТУ томонидан тасдиқланади, бунда умумий танловдан ўтганлар учун ўқиш тўлов контракт асосида амалга оширилиши инобатга олинсан;

2023/2024 ўкув йили РМТТУ ординатура танловида юкори балл олиб ўқишга қабул қилинган Ўзбекистон Республикасининг 35 нафар фуқароси учун Соғлиқни сақлаш вазирлиги хузуридаги “Иктидорли ва малакали тиббиёт мутахассисларини қўллаб-куватлаш ҳамда тиббиёт муассасаларига жалб қилиш жамғармаси фонди” хисобидан **ўқиш тўлов контракт суммаси қопланиши** белгилансин.

Тиббиёт олий таълим муассасалари ректорлари Раёсати раиси (Б. Даминов), Тиббиёт олий таълим муассасалари ректорлари ва филиаллари директорлари (А. Шадманов, Б. Даминов, Н. Хайдаров, О. Атаниязова, Ж. Ризаев, А. Мадазимов, Ш. Тешаев, А. Сидиков, Р. Рўзибаев, Ф. Отакулов)га: Республика тиббиёт олий таълим муассасаларида танлов босқичлари юкори савияда амалга оширилсан, бунда:

2023 йилнинг 1-4 август кунлари хар бир тиббиёт ОТМ да дастлабки танлов (сухбат)дан ўтказиш бўйича Ишчи гурӯхни шакллантириш, талабгорларни рус тилида дастлабки танлов (сухбат)дан ўтказиш;

2023 йил 5-10 август кунлари Ишчи гурӯх томонидан танловда иштирок этишга тавсия этилганabituriyentlar ҳужжатларини Н.И. Пирогов номидаги Россия миллий тадқикот тиббиёт университети ординатура мутахассисликларига

қабул бўйича эълон қилинган веб-сайтда топшириш ва рўйхатдан ўтиш жараёнини олиб бориш, ординатура мутахассисларига қабул танлови онлайн тест саволлари бўйича абитуриентлар ўз-ўзини назорат қилиш учун имкониятлар яратиш;

2023 йил 11- 16 август кунлари абитуриентларнинг Н.И.Пирогов номидаги Россия миллий тадқиқот тиббиёт университети ординатура мутахассисликлариға қабул бўйича онлайн форматдаги тест синовларида иштирок этишларини марказлашган ҳолда Тошкент педиатрия тиббиёт институти худудида ташкил этиш.

4. Қорақалпоғистон Республикаси соғлиқни саклаш вазири (М.Курбанов), Тошкент шаҳар ва вилоятлар соғлиқни саклаш бошқармаси бошликлари, Тиббиёт ходимларининг касбий малакасини ривожлантириш маркази (Х.Ақилов), Тиббиёт олий таълим муассасалари ректорлари (А.Шадманов, Б.Даминов, Н.Хайдаров, О.Атаниязова, Ж.Ризаев, А.Мадазимов, Ш.Тешаев, А.Сидиков, Р.Рўзибаев, Ф.Отакулов)

уч кун муддатда, 2023/2024 ўкув йилидан бошлаб, юкори малакали илмий-амалий кадрлар потенциали мавжуд, замонавий моддий-техник базага эга ва клиник ординаторларни ўқитиш бўйича таълим дастурлари мавжуд хусусий клиникаларда клиник ординатурада мутахассис тайёрлаш тизимини жорий этиш истагини билдирган ва меёрий хужжатлари талаб ва шартларга жавоб берадиган хусусий клиникалар томонидан Вазирликка талабнома ва тасдиқловчи хужжатлар тақдим этилиши эълон қилинсин:

клиник ординатурада мутахассис тайёрлаш бўйича даъвогар бўлиб, Соғлиқни саклаш вазирлигига 2023-2024 ўкув йилига талабнома тақдим этган хусусий клиникаларни (кейинчалик – Хусусий клиника) амалдаги қонунчиликка мувофиқ талабларга мос эканлигини аниқлайдиган ва таълим жараёни бошланишини белгилайдиган Соғлиқни саклаш вазирлиги комиссияси (кейинчалик - Комиссия) ташкил этилсин ва Клиник ординатурада мутахассис тайёрлаш бўйича даъвогар хусусий клиникаларни амалдаги қонунчиликка мувофиқ талабларга мослигини аниқлаш Комиссия аъзолари рўйхати 10-иловага мувофиқ тасдиқлансин.

2023 йил 1 август кунига қадар, Комиссия аъзолари томонидан Хусусий клиникалардан талабномалар йигиб умумлаштирилсин, тўлик маълумот Вазирликда мухокамага тақдим этилсин, қуйидаги талабларга жавоб бериши батафсил текширилсин:

Вазирлар Маҳкамасининг 2009 йил 18 декабрдаги “Тиббиёт ходимлари малакасини ошириш ва уларни қайта тайёрлаш тизимини такомиллаштириш тўғрисида”ги 319-сон қарори билан тасдиқланган 2-иловадаги Клиник ординатура тўғрисидаги Низом талаблари;

Ўзбекистон Республикаси Президентининг қарори, 2020 йил 7 апрелдаги ПҚ-4666-сон Президент Қарорининг 12-бандида белгиланган талаблар;

Ўзбекистон Республикаси Вазирлар Маҳкамасининг 25 феврал 2022 йилдаги “Фаолиятни бошлаш ёки тугатиш учун ваколатли органни хабардор килиш тартиби тўғрисидаги ягона Низомни тасдиқлаш ҳакида”ги 88-сон қарорида 7-илова билан тасдиқланган “Кадрлар малакасини ошириш ва уларни қайта тайёрлаш фаолиятининг Паспорти”да белгиланган талаблар ва шартларга мажбурий жавоб берган холда, Олий таълим, фан ва инновация вазирлигига **Кадрлар малакасини ошириш ва уларни қайта тайёрлаш фаолияти тўғрисида хабарнома берилганлиги;**

Ўзбекистон Республикаси Вазирлар Маҳкамасининг 21 феврал 2022 йилдаги “Махсус электрон тизим орқали айрим фаолият турларини лицензиялаш тартиби тўғрисидаги ягона низомни тасдиқлаш ҳакида”ги 80-сон Қарорнинг 2-иловадаги Махсус электрон тизим орқали айрим фаолият турларини лицензиялаш тартиби тўғрисидаги ягона Низомга асосан, Нодавлат таълим хизматларини кўрсатиш соҳасидаги фаолиятни лицензиялаш Паспортида белгиланган лицензия талаблари ва шартларига мос бўлган холда, Лицензияловчи орган - Олий таълим, фан ва инновация вазирлигидан Нодавлат таълим хизматларини кўрсатишни амалга ошириш учун **лицензия мавжудлиги.**

Комиссия хуносасига мувофик, комиссия аъзолари томонидан куйидагилар амалга оширилсин:

клиник ординатурада мутахассис тайёрлаш бўйича даъвогар бўлиб, Соғлиқни саклаш вазирлигига 2023-2024 ўкув йилига талабнома тақдим этган хусусий клиникаларни амалдаги қонунчиликда белгиланган шарт ва талабларга мос бўлганларини танлаб олиб, Клиник ординаторларни ўқитиш ваколати берилган Хусусий клиникалар руйхатини тузиш.

Бунда,

ҳар бир Хусусий клиникага сифатли таълим жараён амалга ошириш имкониятидан келиб чишиб:

ўқитиладиган мутахассисликлар руйхати;

қабул квоталари кўрсаткичлари;

қабул жараёни учун масъул котиблар номзодларини белгиласин ва Комиссия йиғилиши Баёни билан тасдиқласин;

қабул жараёни ўрнатилган талабларга мос равишда амалга оширилсин (ушбу буйрукни 10 бандига мувофик);

Тиббиёт олий таълим муассасаларини клиник ординатура мутахассисларни тайёрлайдиган Хусусий клиникаларга худудлар кесимида бириктирилиш тақсимотини 11-иловага мувофик тасдиқласин;

бириктирилган тиббиёт олий таълим муассасалари хусусий клиникаларга қабул жараёни, назарий таълим жараёни, сифатли узлуксиз таълим жараёни, билим ва кўнималар назоратида методик ёрдам кўрсатиш олиб борсин;

оралиқ ва якуний назорат жараёнларида, 2 босқичли якуний давлат аттестация жараёнларида бириктирилган тиббиёт олий таълим муассасалари масъул ходимлари, Қорақалпоғистон Республикаси соғлиқни саклаш вазирлиги, Вилоятлар соғлиқни саклаш бошкармаси масъуллари иштироки таъминлансин.

Клиник ординаторларни ўқитиши ваколати берилган Хусусий клиникалар ўрнатилган муддатда аккредитациядан ўтиши таъминлансан ин ва Вазирлик белгилаган нусхадаги Гувоҳнома берилишига руҳсат этилсин.

5. 2023/2024 ўкув йилидан бошлаб мақсадли ва тўлов-контракт асосида ўқишга кирган клиник ординаторлар ўкув жараёни биринчи ва иккинчи (ўқиш муддати 3 йил бўлган мутахассисликлар учун) йиллари тиббиёт институтлари клиникаси ва ихтисослашган марказларда ўқитилади, ўкув даврининг битириув (иккинчи, учинчи) йилининг иккинчи семестрида (ўкув муддатининг охирги ўкув семестрида) худудлардаги ихтисослашган тиббиёт марказлари филиаллари, вилоят болалар ва катталар кўп тармокли тиббиёт марказлари, Республика шошилинч тез тиббий ёрдам маркази филиаларида ўкув амалиёт семестри ўтказилиши таъминлансан ин;

бунда, асосий таълим муассасаси клиник ординатор (резидент)га раҳбарлик қиладиган ходимлари томонидан мутахассиснинг ўкув режа ва ўкув (модул) дастурида кўзда тутилган барча аудитор (маъруза, семинар) соатлари онлайн тарзда ўтилсин;

яrim йиллик ва давлат аттестациясини дастлабки аккредитация билан ўтказилиши асосий таълим муассасаси томонидан таъминлансан;

Давлат аттестацияси ижобий натижалариiga асосан клиник ординатор (резидент)ларга асосий таълим муассасаси томонидан ўрнатилган тартибда гувоҳнома берилсан;

клиник ординатор (резидент)нинг мутахассислик бўйича ўкув режа ва ўкув (модул) дастуридаги ўкув амалиёти ва мустақил таълим юкламаларининг бажарилиши худудлардаги тиббиёт муассасаларининг клиник ординатор (резидент)га раҳбарлик қиладиган ходимлари томонидан назорат қилинсан.

6. Клиник ординатура (резиденттура)га қабул жараёни барча учун тенг равища **август ойида амалга оширилади**, бунда:

клиник ординатурага қабул қилиш Ўзбекистон Республикаси Олий таълим, фан ва инновациялар вазирлиги хузуридаги Билим ва малакаларни баҳолаш агентлиги томонида бир босқичли тест синовлари асосида амалга оширилади.

академик ва молиявий мустақилликка эга бўлмаган тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, Республика ихтисослаштирилган илмий-амалий тиббиёт марказлари, илмий-тадқиқот институтлари Соғликни сақлаш вазирлиги томонидан навбатдаги ўкув йили учун тасдиқланган давлат гранти, эркин ва мақсадли тўлов-контракт параметрларига мувофиқ қабулни амалга оширади;

академик ва молиявий мустақиллик берилган тиббиёт олий таълим муассасалари (Тошкент тиббиёт академияси, Тошкент педиатрия тиббиёт институти, Тошкент давлат стоматология институти, Самарқанд давлат тиббиёт

университети, Андижон давлат тиббиёт институти, Бухоро давлат тиббиёт институти, Қоракалпоғистон тиббиёт институти) Соғлиқни саклаш вазирлиги томонидан навбатдаги ўкув йили учун тасдиқланган давлат гранти ва мақсадли тўлов-контракт параметрларига мувофиқ сўзсиз қабул жараёнини ташкил этади;

академик ва молиявий мустақиллик берилган тиббиёт олий таълим муассасалари (Тошкент тиббиёт академияси, Тошкент педиатрия тиббиёт институти, Тошкент давлат стоматология институти, Самарқанд давлат тиббиёт университети, Андижон давлат тиббиёт институти, Бухоро давлат тиббиёт институти, Қоракалпоғистон тиббиёт институти) учун эркин тўлов-контракт асосидаги қабул параметрларига таълим муассасаларининг Кузатув кенгашлари томонидан зарурят бўлган ҳолда, объектив асосланган ва амалдаги қонунчиликка мувофиқ, шу жумладан тасдиқланган «Таълимнинг халқаро стандарт классификацияси» (ТХСК)даги мутахассисликларни инобатга олиб, таклиф ва ўзгартириш киритиш, тасдиқлаш хукуки берилади, бунда тегишли тиббиёт ОТМ раҳбари шахсан масъул ҳисобланади ва 2 кун муддатда ушбу хақидаги Кузатув кенгаш баёнини Соғлиқни саклаш вазирлигига тақдим этади.

7. Тиббиёт олий таълим муассасалари, уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари ректорлари ва директорлари (қабул комиссиялари раислари) ҳамда клиник ординатура бўйича қабул комиссияси масъул котиблари:

клиник ординатура (резидентура)га хужжат топшириш жараёнида бакалавриат таълим йўналишлари битирувчилари, уларнинг яқин қариндошлари ва бошқа фуқароларга тўлиқ ва батафсил тушунтириш ишларини олиб бориш;

оммавий ва жамоавий мурожаатларни олдини олиш бўйича таъсирчан чораларни кўришга шахсан масъул ҳисобланади;

тиббиёт олий таълим муассасаларининг масъулиятсизлик билан ёндашган биринчи раҳбарларига ўрнатилган тартибда интизомий жазо қўлланилиши тўғрисида огоҳлантирилсин.

8. Клиник ординатура (резидентура)га ўқишга кириш учун талабгорлар тиббиёт олий таълим муассасаси ёки илмий марказ давлат ва нодавлат тиббиёт муассасалари қабул комиссиясига куйидаги хужжатларни тақдим этади:

клиник ординатура (резидентура) мутахассислиги кўрсатилган ҳолда, олий таълим муассасаси (ихтисослаштирилган илмий маркази, илмий-тадқиқот институти) ректори (директори) ва нодавлат тиббиёт муассаси директори номига ариза;

олий маълумот тўғрисидаги хужжат (ёки дипломдан кўчирма - Ўзбекистон Республикаси олий таълим муассасаларини давлат гранти бўйича ўқиб тутатганлар учун) ҳамда унга илова;

086-У-шаклдаги тиббий маълумотнома;

конунчилик хужжатларига мувофик ўкишга киришда имтиёз берувчи хужжат.

Кўрсатиб ўтилган хужжатлар мавжуд бўлганда олий таълим муассасаси қабул комиссияси абитуриентнинг хужжатларини қабул қилишни рад этишга ҳакли эмас.

9. Жамоатчилик билан алоқалар бўлими (Ф. Санаев) “Ўзбекистонда соғлиқни сақлаш” газетаси (И. Соатова) билан биргаликда клиник ординатура (резидентура) қабул квоталарининг оммавий ахборот воситалари орқали эълон килинишини таъминласин.

10. Тиббиёт олий таълим муассасалари ва уларнинг филиаллари, Тиббиёт ходимларининг касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқиқот институтлари раҳбарлари

2023/2024 ўкув йили қабулида хужжат топширувчиларга қулайлик яратиш мақсадида рўйхатдан ўтиш жараёни бевосита ва онлайн тарзда – ташкилотларнинг расмий веб-сайтлари орқали амалга ошириш;

клиник ординатура (резидентура)га хужжатлар қабул қилишни оммавий ахборот воситаларида танлов эълон қилинган кундан бошлаб, жорий йилнинг **22 августигача (шу куни ҳам) амалга ошириш**;

хужжат топширувчилар ва уларнинг ота-оналарини қизиктирган саволларга жавоб бериш учун ташкилотларда ҳафтанинг душанба-шанба кунлари соат 9:00-18:00 гача (1 сентябргача бўлган муддатда) ишлайдиган мурожаатлар маркази («Колл марказ») фаолиятини 2023 йилнинг **25 июлига** қадар ташкил этиш;

қабул қилинган хужжатлар тўғрисидаги маълумотни жорий йилнинг **24 августига** қадар ўрнатилган тартибда вазирлик Фан ва таълим бошқармасига топшириш;

Қорақалпоғистон Республикаси ва вилоятлар қабул режаси бўйича берилган мақсадли ўринларга танловни ҳар бир вилоят учун алоҳида ташкил этиш ва ажратилган ўринларга ушбу ҳудудларда яшовчи ёки бошқа вилоятларда ишлаш истагини билдирган шифокорларни қабул қилиш;

республика ихтисослаштирилган илмий-амалий тиббиёт марказлари ва илмий-тадқиқот институтлари учун клиник ординатура (резидентура)га берилган ўринларга танловда иштирок этувчи талабгорларга танловнинг тест синовларини 4-иловада бириктирилган тартибда ташкил этиш;

клиник ординатура (резидентура)га қабул қилиш режаси бажарилганлиги тўғрисидаги ҳисботни жорий йилнинг 4 сентябр санасига қадар вазирликнинг Фан ва таълим бошқармасига тақдим этиш;

клиник ординатура (резидентура)га кириш учун танловда иштирок этувчи ҳар бир шифокорга унинг хужжатлари қабул қилинганлиги ва тест синовлари

муддати кўрсатилган маълумотнома қабул комиссияси томонидан берилишини таъминлаш;

тиббиёт олий таълим муассасалари битирувчиларини клиник ординатура (резидентура)га қабул қилган ҳар бир муассаса уларнинг ишга жойлашиш мониторингини таъминлаш максадида улар билан тузилган «уч ёки тўрт (хокимлик тўлов-контракти асосида тавсия этилганлар учун)томонлама шартнома» нусхасини ва битирувчиларга тиббиёт олий таълим муассасаси томонидан тақдим этилган «ишга қабул қилингандик тўғрисидаги йўлланма»ни тўлдириб, улар битирган тиббиёт олий таълим муассасасига тақдим этиш;

клиник ординатура (резидентура)ни тугатган ҳар бир мутахассисни ишга жойлашиш мониторингини таъминлаш максадида, улар тўғрисидаги маълумотни Коракалпоғистон Республикаси Соғлиқни саклаш вазирлиги, Тошкент шаҳар ва вилоятлар соғлиқни саклаш бошқармаларига тақдим этиш вазифалари юклансин.

11. Соғлиқни саклаш вазирининг ўринбосари (У.Сабиров) ҳамда Илм-фан ва таълим бошқармаси бошлиғи (Ў. Исмаилов)

Коракалпоғистон Республикаси, вилоятлар ва Тошкент шаҳри учун клиник ординатура (резидентура)га ажратилган ўринлар тўлдирилмаган тақдирда, уларни худудий квота доирасида қайта тақсимлаш;

Тошкент шаҳрида танловдан ўтган шифокорлар, Коракалпоғистон Республикаси ва вилоятлардаги тиббиёт олий таълим муассасалари ва уларнинг филиаллари, республика ихтисослаштирилган илмий-амалий тиббиёт марказлари, илмий-тадқиқот институтлари филиалларида ўкиш розилигини билдирган ҳолда уларни вилоят қабул режаси доирасида юбориш вазифалари топширилсин.

12. Илм-фан ва таълим бошқармаси (Ў.Исмаилов) Тиббий таълимни ривожлантириш маркази (Д.Тухтасинова) билан биргаликда Республика тиббиёт олий таълим муассасаларида янги ташкил этилган клиник ординатура (резидентура) мутахассисликлари “Болалар клиник иммунологияси”, “Болалар онкология ва гематологияси”, “Болалар кардиохирургияси”, “Паллиатив тиббий ёрдам” бўйича ўкув дастурларини 2023 йил 10 август кунига қадар тузилишини таъминласин ва Соғлиқни саклаш вазирига тасдиқлаш учун киритсин.

13. Иқтисодиёт таҳлил ва нархларни шакллантириш бошқармаси (О.Сафаров):

жорий йилнинг 1 сентябрга қадар Соғлиқни саклаш вазирлиги тизимида 2023/2024 ўкув йилида клиник ординатор (резидент)ларни тайёрлаш бир йиллик ўқитиши қиймати ҳисоб-китобларини ҳамда мақсадли тўлов-контракт тўлов бўйича қабул параметрлари асосида ўқишга қабул қилинган абитуриентларнинг тўлов-контракт суммаси ишлаб чиқисин;

давлат олий таълим муассасалари клиник ординатура (резидентура)сига эркин тўлов-контракт тўлов бўйича қабул параметрлари асосида ўқишга қабул

килинган абитуриентларнинг тўлов-контракт суммаси бир талабага тўғри келадиган реал харажатлардан келиб чиқиб, соғлиқни саклаш вазирлиги томонидан белгиланган суммадан кам бўлмаган миқдорда олий таълим муассасалари томонидан мустакил белгилансин;

тиббиёт олий таълим муассасалари, уларнинг филиаллари, Тиббиёт ходимлари касбий малакасини ривожлантириш маркази, республика ихтисослаштирилган илмий-амалий тиббиёт марказлари, илмий-тадқикот институтларидағи клиник ординатор (резидент)лар учун «Ўзбекистонни ривожлантириш стратегияси, Фуқаролик жамияти» фанини икки йил мобайнида умумий 36 соат ўқитиш учун сарф-харажатлар хисоб-китобини ишлаб чикиш чораларини кўрсинг.

14. Ушбу буйруқ ижросининг назоратини ўз зиммамда колдираман.

Вазир

А.Иноятов

